



Broj: 02-04-524/25-AP-3
Datum: 24.03.2025. godine

GRADSKO VIJEĆE ZAVIDOVIĆI
n/r PREDSJEDAVAJUĆOJ GRADSKOG VIJEĆA
Hadžić dr Amira, spec. radiolog

PREDMET: Odgovori na vijećnička pitanja sa 4. sjednice Gradskog
vijeća Zavidovići održane 27.02.2025. godine, dostavljaju se

Povodom vijećničkih pitanja postavljenih na 4. sjednice Općinskog vijeća Zavidovići
održanoj 27.02.2025. godine, dostavljamo odgovore na iste kako slijedi:

1. VIJEĆNIČKA PITANJA VIJEĆNIKA ASIMA DŽINDE

1. Vijećnik Asim Džindo: Ko je vlasnik zemljišta na kojem se nalaze teniski tereni?

Odgovor na prvo vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, broj: 06-45-20/25-AP-24 od 14.03.2025. godine): Teniski tereni nalaze se na parcelama označenim sa k.č. 632/8 i k.č. 632/11 upisano u P.L. 230 k.o. Zavidovići posjed RK „Krivaja“ i Zemljošnoknjižni uložak 472 k.o. Zavidovići vlasništvo „Rukometni klub Krivaja“.

2. Vijećnik Asim Džindo: Da li je Grad Zavidovići imao bilo kakvu ulogu u upravljanju, održavanju ili zaštiti ovih terena?

Odgovor na drugo vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, 06-45-20/25-AP-24 od 14.03.2025. godine): Ova Služba nije imala ulogu u upravljanju, održavanju ili zaštiti ovih terena.

4. Vijećnik Asim Džindo: Da li su postojali zahtjevi ili dozvole za prenamjenu zemljišta na kojem su se nalazili teniski tereni, te ako jesu koja institucija je dala saglasnost za tu prenamjenu?

Odgovor na četvrto vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, broj: 06-45-20/25-AP-24 od 14.03.2025. godine): Ovoj Službi nije poznato da li su postojali navedeni zahtjevi.

5. Vijećnik Asim Džindo: Postoje li planovi za obnovu teniskih terena ili neku drugu sportsku ili javnu namjenu tog prostora?

Odgovor na peto vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, 06-45-20/25-AP-24 od 14.03.2025. godine): Ovoj Službi nije poznato da li su postojali navedeni planovi.

6. Vijećnik Asim Džindo: Ako je zemljište idalje privatno, da li Grad Zavidovići ima mehanizme za eventualno otkupljivanje ili vraćanje terena u funkciju sportskih aktivnosti?

Odgovor na šesto vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-20/25-AP-24 od 14.03.2025. godine): Zemljište je u vlasništvu Rukometnog kluba „Krivaja“, a namjena istog prostora određuje se planskim dokumentom.

9. Vijećnik Asim Džindo: Da li je Grad Zavidovići ikada izdvajao sredstva iz Budžeta za održavanje ovih terena i ako jeste koliko i u kojem periodu?

Odgovor na deveto vijećničko pitanje (Odgovor je sačinjen na osnovu akta Službe za upravu finansija, budžet i trezor, broj: 05-45-12/25-AP-46 od 12.03.2025. godine): Grad Zavidovići nije izdvajao sredstva za teniske terene u Zavidovićima, koji su se nalazili u ulici „35. divizije“.

11. Vijećnik Asim Džindo: Da li je bilo pokušaja od strane Grada, sportskih saveza ili privatnih subjekata da se spriječi rušenje ili propadanje ovih terena?

Odgovor na jedanaesto vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-18/25-AP-51 od 21.03.2025. godine): Grad Zavidovići nije vlasnik zemljišta na kome se nalaze teniski tereni ni samih teniskih terena. Grad Zavidovići je redovno finansijski podržavao rad i funkcionisanje Teniskog kluba „Zavidovići“ po urednim i opravdanim zahtjevima do njegovog gašenja i brisanja iz registra udruženja. Shodno navedenom ova Služba smatra da Grad Zavidovići nije nadležan za rješavanje navedenog pitanja.

O teniskim terenima brinuo se teniski klub koji je imao članarinu iz koje se održavao i teniski teren, sponzori i slično.

Za ostala pitanja sugerišemo obratite se onima koji su vodili i donijeli odluku o gašenju kluba. Grad Zavidovići će planirati kroz izradu prostorno-planske dokumentacije da odredi mjesto za teniske terene u vlasništvu Grada.

12. Vijećnik Asim Džindo: Koja je trenutna namjena zemljišta na kojem su se nalazili teniski tereni i da li postoji urbanistički plan koji predviđa njegovu dalju upotrebu?

Odgovor na dvanaesto vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, 06-45-20/25-AP-24 od 14.03.2025. godine): Po Regulacionom planu „Centar II“ namjena terena je „Sportski tereni, a u toku je izrada novog Urbanističkog plana, jer je stari stavljen van snage.

13. Vijećnik Asim Džindo: Ako su teniski tereni uklonjeni bez odobrenja nadležnih institucija, da li će Grad Zavidovići pokrenuti postupke za utvrđivanje odgovornosti?

Odgovor na trinaesto vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, 06-45-20/25-AP-24 od 14.03.2025. godine): Služba za upravu geodetskih, imovinskopравnih poslova i urbanizma nije izdala rješenje za uklanjanje teniskih terena.

2. VIJEĆNIČKO PITANJE VIJEĆNICE ELVIRE DELIĆ

Vijećnica Elvira Delić: Upućujem pitanje Gradskoj upravi vezano za uzimanje sredstava od JU „Druge osnovna školka“, odnosno sredstva su bila namijenjena Budžetom, sve informacije ste mogli provjeriti na svim portalima, da naglasim. Sredstva su Budžetom Ze-do kantona bila planirana za utoplјavanje Druge osnovne škole, međutim Gradska uprava je uzela ta sredstva, preusmjerila za Sportsku dvoranu. Mi ovdje znamo da smo imali na vijeću da je 100 000 Grad da ulaže, međutim objavljeno je na Facebook stranici da se ulaže 400 000 KM, što znači to je najvjerovatnije tih 300 000 koji su uzeti od 580 učenika naše škole i plus 100 učenika muzičke škole da bi se sredstva hitno preusmjerila, vjerovatno na zahtjev Gradske uprave. Zašto se nisu iznašla sredstva na drugi način, tako da bude sređena i škola jer ovo je prvi puta nakon rata da se dobiju neka sredstva za utoplјavanje naše škole. Mislim da sam bila jasna. Hvala.“

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-137/25 od 14.03.2025. godine): Za navode iz Vašeg pitanja Grad Zavidovići nema nikakva saznanja, niti je učestvovao u preusmjeravanju sredstava u Budžetu Zeničko-dobojskog kantona.

3. VIJEĆNIČKO PITANJE VIJEĆNIKA OMERA ĆOSIĆA

Vijećnik Omer Ćosić: „U skladu sa Poslovníkom o radu Gradskog vijeća Zavidovići, član 166.,167.,168. i 169., postavljám slijedeće vijećničko pitanje:
U „Službenom glasniku Općine Zavidovići“, broj: 7/2019 od 08.07.2019. godine objavljen je Zaključak o usvajanju Inicijative vijećnika Nedžada Mahmutovića za dogradnju i modernizaciju nekategorisanog puta u naseljenom mjestu Potkleče, dio zvani Ukevače. Iako su vlasnici parcela uz predmetni put iskazali interes za izgradnju ovog puta, a posebno su dali pisanu izjavu kojom su pristali na finansijsko učešće kod njegove izgradnje, a posebno kod provođenja eksproprijacije zemljišta, tada zaduženi općinski organi, dakle Općinski načelnik i nadležne službe nisu ništa poduzeli na realizaciji ove inicijativce, odnosno realizacije ovog projekta.

Molim odgovor od Gradonačelnice na sljedeća pitanja:

- Da li je ova inicijativa razmatrana od strane tadašnjeg Općinskog načelnika?
- Da li je tadašnji Općinski načelnik uopšte razmatrao zahtjeve i argumente mještana priložene uz inicijativu za izgradnju ovog puta?
- Da li su sačinili bilo kakvu informaciju ili izvještaj po zahtjevu mještana?
- I retoričko pitanje da li su nadležni organi na čelu sa tadašnjim Općinskim načelnikom bili uopšte svjesni javnog interesa i značaja ovog puta?

Svi oni koji su za vrijeme odbrambeno-oslobodilačkog rata 1992-1995., odnosno agresije na Bosnu i Hercegovinu, koristili ovaj i drugi put u blizini, dobro znaju koji je bio značaj ovog puta. Danas ovaj put ima i drugi značaj. To je obrazloženo u toj inicijativi.

Molim uvaženu Gradonačelnicu da mi u skladu sa Poslovníkom dostavi pisani odgovor, a svakako vas molim da uzmete u razmatranje i uvažite zahtjeve i argumente mještana

naseljenog mjesta Potkleče (kad vaš prethodnik to nije htio) i pokrene realizaciju ove inicijative tj. projekta.

U prilogu dostavljam kopiju dokumentacije iz ove Inicijative.“

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-137/25 od 14.03.2025. godine): Stav tadašnjeg Načelnika je bio da se inicijativa koja se odnosi na donošenje Odluke o utvrđivanju javnog interesa za modernizaciju i dogradnju nekategorisanog puta u naseljenom mjestu Potkleče, dio zvani Ukljevače prihvata, a ista će biti realizovana kada se steknu finansijske mogućnosti, a u obrazloženju iste je stajalo da se svaka inicijativa koja se tiče modernizacije i unapređenja putne mreže na području Općine Zavidovići smatra opravdanom i korisnom, ali da ograničena budžetska sredstva omogućavaju realizaciju iste, da realizacija ove inicijative iziskuje izradu investiciono-tehničke dokumentacije, utvrđivanje eksproprijacionog pojasa, utvrđivanje javnog interesa i eksproprijaciju zemljišta, te nakon svega pribavljanje dozvole za građenje i investicione radove. Imajući u vidu neophodne troškove i raspoloživa budžetska sredstva trenutno nismo u mogućnosti realizovati ovu inicijativu.

U usvojenom Zaključku, broj: 01-31-1346/19-AP-7 od 26.06.2019. godine („Službeni glasnik Općine Zavidovići“, broj: 7/2019) navedeno je da će se o realizaciji istog starati Kabinet općinskog načelnika i Općinsko pravobranilaštvo Zavidovići.

4. VIJEĆNIČKO PITANJE VIJEĆNIKA ZAHIDA AVDIČEVIĆA

Vijećnik Zahid Avdičević: Moje pitanje je kratko i jasno Službi za imovinsko-pravne psolove. Meni se obratila jedna gospođa koja je 31.07.2024. podnijela zahtjev službi za oblikovanju čestice, odnosno pristupnog puta na njenom objektu i parceli. Ja neću ovdje da sve čitam, ona ni dan danas nije dobila odgovor. Moje pitanje će biti usmjereno prema službi da odgovori gospođi koja je podnijela zahtjev za oblikovanje građevinske čestice.

U prilogu Vam dostavljam njen zahtjev od 31.07.2024. Hvala.“

Odgovor na vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, 06-45-20/25-AP-24 od 14.03.2025. godine): Dana 31.07.2024. godine, ovoj Službi obratila se Svjetlana Taletović sa zahtjevom za kupovinu gradskog zemljišta označenog sa k.č. 1200 k.o. Zavidovići vlasništvo Grada Zavidovići, a u svrhu oblikovanja katastarske čestice.

Po navedenom zahtjevu nije se moglo postupiti iz razloga što se prema važećim prostorno-planskim dokumentima Grada Zavidovići nisu stekli uslovi za prodaju zemljišta na gradskom građevinskom zemljištu, obzirom da je Urbanistički plan Grada Zavidovići stavljen van snage Odlukom Općinskog vijeća („Službeni glasnik Općine Zavidovići“, broj: 2/2022), a izrada novog Urbanističkog plana Grada Zavidovići je tek u pripremi.

Po navedenom zahtjevu Služba je podneskom od 13.03.2025. godine obavijestila i podnosioca zahtjeva o razlozima nemogućnosti postupanja po njenom zahtjevu.

5. VIJEĆNIČKA PITANJA VIJEĆNIKA AJDINA POLIĆA

1. Vijećnik Ajdin Polić: „Na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam slijedeće vijećničko pitanje:

Da li je završena izrada geomehaničke studije za klizište u Sinanovićima, na glavnom putu pored skretanja za ornice i kada se očekuju radovi na sanaciji navedenog klizišta?

Pitanje uputiti nadležnoj gradskoj službi.

Odgovor zahtijevam pisanim putem od nadležne službe.

Odgovor na prvo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-137/25 od 14.03.2025. godine): Nakon provedene javne nabavke, dana 23.12.2024. godine Službi za upravu privrede, lokalni razvoj, infrastrukturu i međunarodnu saradnju dostavljen je elaborat o geomehničkim istraživanjima tla na lokaciji klizišta u mjestu Lijevča - 8. kilometar u kome su navedeni prijedlozi sanacionih mjera. Po usvajanja Budžeta Grada Zavidovići za 2025. godinu, pokrenut će se postupak javne nabavke za izradu Glavnog projekta sanacije ovog klizišta.

3. Vijećnik Ajdin Polić: „Poštovani,

U skladu članom 8.,87., Poslovnika o radu Gradskog vijeća Zavidovići, postavljam vijećničko pitanje:

Da li je video nadzorni sistem koji je postavljen u pothodniku u ulici Maršala Tita funkcionalan?

Da li je ikada sa navedenog video nadzornog sistema, putem video snimka, prijavljen vandalizam Policijskoj stanici Zavidovići?

Pitanje uputiti nadležnoj gradskoj službi.

Odgovor zahtijevam pisanim putem od nadležne službe.“

Odgovor na treće vijećničko pitanje (Odgovor je sačinjen od strane Stručne služba gradonačelnika): Videonadzor u pothodniku u ulici „Marašala Tita“ je u ispravnom stanju, s tim što se pojavio problem u napajanju sistema sa električnom energijom. Zbog tog nedostatka trenutno se ne može pristupiti kamerama i memoriji za snimanje. Nako usvajanja Budžeta Grada Zavidovići za 2025. godinu Stručna služba gradonačelnice će odmah pokrenuti aktivnosti na rješavanju ovog problema. U prošlom periodu Grad Zavidovići je u nekoliko navrata dostavljao snimke Policijskoj stanici Zavidovići i prema našim informacijama je samo u jednom slučaju utvrđen identitet lica koje je otuđilo jednu kameru i koju su pripadnici Policijske stanice Zavidovići odmah vratili. U drugim slučajevima nismo imali povratnu informaciju. U slučajevima kada Policija nije bila u mogućnosti prepoznati počinioca devastacije, dostavili smo snimak u jednom slučaju i svim školama jer su počinioci devastacije bili školskog uzrasta, te i tom prilikom se nije uspjelo izvršiti prepoznavanje počinioca devastacije. U posljednje vrijeme nismo dostavljali snimke jer je teško primijetiti devastaciju na sadašnjem stanju pothodnika. Također je važno napomenuti da se planira izgradnja druge faze videonazora Grada Zavidovići koji će obuhvatiti i videonazor u pothodniku, te će pregled i nadzor snimaka biti lociran u Policijskoj stanici Zavidovići. Na ovaj način će se moći odmah poduzeti radnje na sprečavanju devastacije.

4. Vijećnik Ajdin Polić:

Poštovani,

U skladu članom 8.,87., Poslovnika o radu Gradskog vijeća Zavidovići, postavljam vijećničko pitanje:

Pitanje postavljam sekretaru Gradskog vijeća:

U skladu sa odredbama Poslovnika o radu Gradskog vijeća Zavidovići (novi prečišćeni tekst) broj: 01-04-2962/22-AP-5 od 16.11.2022.godine, objavljenom u službenom glasniku 7/2022, molim vas da mi u pisanoj formi dostavite u najkraćem roku tumačenje člana 13. Poslovnika koji glasi:

„Član 13.

Vijećnik ima pravo da bude redovno i pravovremeno informisan o svim pitanjima od značaja za ostvarivanje mjesta i uloge Vijeća, a naročito:

- Radu Vijeća i njegovih radnih tijela;

- Radu gradonačelnika i gradskih organa uprave,
- Proizvđenju politike koje je utvrdilo Vijeće;
- Izvršavanju propisa Vijeća;
- Radu Javnih ustanova i Javnih preduzeća čiji je osnivač Grad Zavidovići.“

Na način da izričito pojasnite pravo na redovno i pravovremeno informisanje o „radu Gradonačelnika i gradskih organa uprave“.

Da li redovno i pravovremeno informisanje podrazumijeva pravo na svakodnevni uvid u akte, spise i radne zadatke? Isto tako, molim Vas da navedete način (pisanim ili usmenim zahtjevom) ostvarivanja uvida, odnosno ostvarivanja pravo na redovno i pravovremeno informisanje o radu Gradonačelnika i gradskih organa uprave.

Isto tako molim Vas za tumačenje člana 14. Poslovnika o radu gradskog vijeća Zavidovići, koji glasi:

„Član 14.

Vijećnik ima pravo uvida u informativni i dokumentacioni materijal koji se izrađuje ili prikuplja u Stručnoj službi Gradskog vijeća (u daljem tekstu: stručna služba), gradskoj upravi i drugim posebnim službama i organima, a koji se odnosi na pitanja o kojima se raspravlja u Vijeću.

Stručna služba je obavezna da pruži stručnu i tehničku pomoć vijećnicima u obavljanju njihovih dužnosti“.

Na način da pojasnite da li vijećnik ima izričito pravo uvida u spise, odluke, rješenja i akte u Službama grada Zavidovići u vezi sa budžetom i izvršenjem budžeta Grada Zavidovići, po usmenom zahtjevu u službi?

Odgovor zahtijevam pisanim putem.“

Odgovor na četvrto vijećničko pitanje (Odgovor je sačinjen na osnovu akta Stručne služba Gradskog vijeća, broj: 01-04-528/25-AP-6 od 19.03.2025. godine): Članom 16. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), propisano je da: „**Vijećnik ima pravo da bude redovno i pravovremeno informisan o svim pitanjima od značaja za ostvarivanje mjesta i uloge Vijeća.**

Prema Programu rada Gradskog vijeća Zavidovići za 2025. godinu („Službeni glasnik Grada Zavidovići“, broj: 2/25), Gradskom vijeću Zavidovići se dostavljaju informacioni i dokumentacioni materijali, a isti su planirani u cilju ostvarivanja mjesta i uloge Vijeća.

- Informisanost o radu Vijeća i njegovih radnih tijela

Članom 54. i 55. Poslovnika o radu Gradskog vijeća Zavidovići propisano je da Gradsko vijeće donosi Program rada Gradskog vijeća. Programom rada se utvrđuju poslovi i zadaci Vijeća, njihov kratak sadržaj i način izvršenja, sa nosiocima poslova i rokovima za razmatranje pojedinih pitanja.

Vijeće povremeno razmatra realizaciju Programa rada i poduzima odgovarajuće mjere za njihovo izvršenje.

Kolegij vijeća podnosi godišnji izvještaj o realizaciji Programa rada Vijeća, u skladu sa članom 55. stav (6), koji glasi: Kolegij vijeća podnosi godišnji izvještaj o realizaciji Programa rada Vijeća, a prema Programu rada Gradskog vijeća ovaj Izvještaj se razmatra svakih šest mjeseci.

- Izvještaj o radu Komisija Gradskog vijeća razmatra se svakih šest mjeseci u skladu sa članom 42. stav (2), koji glasi: „Komisija podnosi Vijeću izvještaj o svom radu najmanje jednom godišnje.

- Izvještaj o radu Komisije za procjenu prometne vrijednosti nekretnina razmatra se svakih šest mjeseci, a osnov za razmatranje je član 10. Zakona o porezu na promet nekretnina

(„Službene novine Zeničko-dobojskog kantona“, broj: 6/09, 6/13 i 6/18) i tačke 3. stav (2) Rješenja o imenovanju predsjednika i članova Komisije za procjenu prometne vrijednosti nekretnina.

- **Informisanost o radu gradonačelnika i gradskih organa uprave,**
- **Informisanost o provođenju politike koje je utvrdilo Vijeće,**
- **Informisanost o izvršavanju propisa Vijeća.**

Član 46. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019), glasi: „Općinski načelnik podnosi izvještaj o ostvarivanju politike Općine i o svojim aktivnostima najkasnije do 31. marta / ožujka tekuće godine za prethodnu kalendarsku godinu.

Povodom izvještaja iz prethodnog stava, Općinsko vijeće može izvještaj usvojiti, zatražiti dopunu ili odbiti.

Ako Općinsko vijeće izvještaj odbije, ukazat će Općinskom načelniku na aktivnosti i mjere koje je dužan poduzeti, predložiti akte za provođenje tih mjera i aktivnosti i odrediti rok za izvršenje.

Član 163. Poslovnika o radu Gradskog vijeća Zavidovići – novi prečišćeni tekst, glasi: „Gradonačelnik po svojoj inicijativi ili na zahtjev Vijeća, izvještava Vijeće o svom radu, sprovođenju politike koju je utvrdilo Vijeće u cjelini ili za pojedine oblasti društvenog života o izvršavanju općih i drugih akata Vijeća o sprovođenju zakona o stanju i razvoju u svim ili pojedinim oblastima društvenog života i društvenih odnosa, te o drugim pitanjima.

Član 165. Poslovnika o radu Gradskog vijeća Zavidovići – novi prečišćeni tekst, glasi: „Gradonačelnik najmanje jednom godišnje podnosi godišnji izvještaj o svom radu, kao i radu gradskih službi.

Vijeće može u svako doba od gradonačelnika zatražiti podnošenje periodičnih i posebnih izvještaja o njegovom radu, kao i izvještaja o radu pojedinih gradskih službi.

Izvještaj o radu gradonačelnika razmatra se na sjednici i o tome Vijeće donosi zaključak.

Programom rada Gradskog vijeća Zavidovići za 2025. godinu, planirani su slijedeći materijali:

-Izvještaj o rješavanju upravnih stvari u upravnom postupku u organima uprave Grada Zavidovići u 2024. godini, a osnov za razmatranje je član 294. Zakona o upravnom postupku („Službene novine FBiH“, broj: 2/98, 48/99 i 61/22).

- Program rada Gradonačelnice i službi za upravu i drugih službi Grada Zavidovići, a osnov za razmatranje je član 15. stav (1) alineja 2) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), član 10. i 16. stav (1) Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), član 39. Statuta Općine Zavidovići („Službeni glasnik Općine Zavidovići“, broj: 5/2005, 5/a/2008 i 11/2019),

- Izvještaj Gradonačelnice o radu službi za upravu i drugih službi Grada Zavidovići za 2024. godinu, osnov za razmatranje je član 98. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), član 22. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), član 16. stav (1) Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 46. Statuta Općine Zavidovići („Službeni glasnik Općine Zavidovići“, broj: 5/05, 5/a/08 i 11/19).

- Izvještaj o radu Gradskog pravobranilaštva Zavidovići za 2024. godinu, osnov za razmatranje član 50. Zakona o pravobranilaštvima Zeničko-dobojskog kantona („Službene novine ZDK“, broj: 12/13).

- Izvještaj o radu inspekcija Grada Zavidovići za 2024. godinu, osnov za razmatranje član 132. stav (2) tačka 3. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05 i 51/09).

- Informisanost o radu Javnih ustanova i Javnih preduzeća čiji je osnivač Grad Zavidovići.

Član 57. Statuta Općine Zavidovići, glasi: „Općinski načelnik putem općinskih službi prati rad, daje preporuke i poduzima mjere prema javnim ustanovama i javnim preduzećima čiji je osnivač Općinsko vijeće.

Upravni odbori javnih ustanova i skupštine javnih preduzeća dužni su najmanje jednom godišnje podnijeti izvještaj o svom radu i radu navedenih pravnih subjekata Općinskom vijeću na razmatranje.“

Programom rada Gradskog vijeća Zavidovići za 2025. godinu, planirani su slijedeći materijali:

- Izvještaj Skupštine JKP „Radnik“ d.o.o. Zavidovići, o radu i finansijskom poslovanju JKP „Radnik“ d.o.o. Zavidovići za 2024. godinu, osnov za razmatranje je član 6. Zakona o javnim preduzećima FBiH („Službene novine Federacije Bosne i Hercegovine“, broj: 8/05, 81/08 i 22/09) i član 17. Statuta JKP „Radnik“ d.o.o. Zavidovići.

- Izvještaj o radu i finansijskom poslovanju lokalne Razvojne agencije RAZ d.o.o. Zavidovići i Nadzornog odbora RAZ d.o.o. Zavidovići za 2024. godinu, osnov za razmatranje je član 257. Zakona o privrednim društvima („Službene novine Federacije Bosne i Hercegovine“, broj: 81/15) i Statut „Razvojne agencije“ d.o.o. Zavidovići.

- Izvještaj o radu i finansijskom poslovanju javnih ustanova sa izvještajima o radu upravnih odbora, kojima je osnivač Grad Zavidovići za 2024. godinu, i to:

- a) Izvještaj o radu i finansijskom poslovanju Javne ustanove „Kulturno-sportski centar“ Zavidovići, sa izvještajem o radu Upravnog odbora.
- b) Izvještaj o radu i finansijskom poslovanju Javne ustanove „Javna biblioteka“ Zavidovići, sa izvještajem o radu Upravnog odbora.
- c) Izvještaj o radu i finansijskom poslovanju Javne ustanove „Centar za socijalni rad“ Zavidovići, sa izvještajem o radu Upravnog odbora.
- d) Izvještaj o radu i finansijskom poslovanju Javne ustanove „Dom zdravlja“ Zavidovići, sa izvještajem o radu Upravnog odbora.
- e) Izvještaj o radu i finansijskom poslovanju Javne ustanove „Dječiji vrtić“ Zavidovići sa izvještajem o radu Upravnog odbora,

osnov za razmatranje je član 27. Uredbe sa zakonskom snagom o ustanovama („Službeni list RBiH“, broj: 6/92, 8/93 i 13/94).

Članom 60. stav (4) Poslovnika o radu Gradskog vijeća Zavidovići propisano je da se materijali za sjednicu Vijeća dostavljaju svakom vijećniku u elektronskoj formi i objavom na službenoj web stranici Grada.

Članom 147. Poslovnika o radu Gradskog vijeća Zavidovići – novi prečišćeni tekst propisano je da odluke i drugi opći akti Vijeća obavezno se objavljuju u „Službenom glasniku Grada Zavidovići“, odnosno na oglasnoj ploči Grada, ako se za to ukaže potreba.

Shodno naprijed navedenom član 13. Poslovnika o radu Gradskog vijeća Zavidovići, propisuje procedure za ostvarivanje mjesta i uloge Vijeća kroz parlamentarne procedure te ne podrazumijeva u ostvarivanju ovih procedura pravo vijećnika na svakodnevni uvid u akte, spise i radne zadatke uprave.

Vijećnik ima pravo da traži uvid u informacioni i dokumentacioni materijal koji se odnosi na pitanja o kojima se raspravlja u Vijeću.

Zahtjev za dostavu informacionog i dokumentacionog materijala podnosi se u pisanoj formi putem Stručne službe Gradskog vijeća.

Stručna služba je obavezna da pruži stručnu i tehničku pomoć kod pribavljanja i dostave traženih informacionih i dokumentacionih materijala.

Odgovorna lica zaposlena u administrativnim službama dužna su vijećnicima, putem Stručne službe Gradskog vijeća obezbijediti potrebne podatke i informacije o svim pitanjima koja su od značaja za obavljanje dužnosti vijećnika te pružiti stručnu pomoć u vršenju njihove funkcije.

U vezi sa Budžetom i izvršenjem Budžeta Grada Zavidovići, Gradsko vijeće se izvještava kvartalno, a ukoliko vijećnik ima potrebu za dodatnim informacijama iste na pisani zahtjev pribaviti putem Stručne službe Gradskog vijeća.

5. Vijećnik Ajdin Polić: „Poštovani,

U skladu članom 8., 87., Poslovnika o radu Gradskog vijeća Zavidovići, postavljam vijećničko pitanje:

Mještani ulice Enesa Kalabića podnijeli su zahtjev za legalizaciju stvarnog stanja puta i proglašenje javnog interesa.

Mještani su platili iz vlastitih sredstava izradu projektne dokumentacije (Isić) na ime Grada Zavidovići.

Za potrebe izvještavanja mještana, ulice Enesa Kalabića, tražim informaciju o broju, nazivu i datumu protokolisavanja predmeta u službi, informaciju o poduzetim aktivnostima na rješavanju predmeta, datumu planiranog okončanja postupka, i narednim zakonom predviđenim koracima do konačnog rješavanja predmeta.

Pitanje uputiti Pravobranilaštvu Grada Zavidovići.

Odgovor zahtijevam pisanim putem od nadležne službe.“

Odgovor na peto vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-137/25 od 14.03.2025. godine): Udruženje građana „Gvozdeni most“ ulica „Zlatnih ljiljana“, obratili su se 19.02.2024. godine, zahtjevom za legalizaciju ulice „Enesa Kalabića“ – izdavanje urbanističke i građevinske saglasnosti nakon proširenja, rekonstrukcije i sanacije saobraćajnice. Zahtjev je zaprimljen 19.02.2024. godine, i zaveden pod brojem: 03-19-482/24.

Dana 26.02.2024. godine, upućen je zahtjev Službi za upravu geodetskih, imovinskopravnih poslova i urbanizma za izdavanje urbanističke saglasnosti i ista je izdata (pribavljena) 18.03.2024. godine.

Dana 19.03.2024. godine, upućen je zahtjev za izdavanje cestovne saglasnosti i ista je izdata (pribavljena) 23.04.2024. godine.

Također, dana 19.03.2024. godine, upućena je inicijativa Gradskom pravobranilaštvu za pokretanje postupka rješavanja imovinskopravnih odnosa, odnosno utvrđivanja javnog interesa, a isto do današnjeg dana nije riješeno.

6. Vijećnik Ajdin Polić: „Poštovani,

U skladu članom 8., 87., Poslovnika o radu Gradskog vijeća Zavidovići, postavljam vijećničko pitanje:

U kojem je stanju digitalizacija usluga službe?

Da li se vrše neke usluge digitalno?

Postoji li plan za uvođenje digitalnih usluga?

Pitanje uputiti svim službama grada Zavidovići.

Odgovor zahtijevam pisanim putem od nadležne službe.“

Odgovor na šesto vijećničko pitanje (Odgovor je sačinjen od strane Stručne služba gradonačelnika): Grad Zavidovići započeo je projekat digitalizacije usluga u saradnji sa USAID-om u okviru projekta Local Governance Assistance Activity (LGAA). Kao što je poznato da je rad Agencije USAID prekinut i da su s tim prekinuti svi projekti koji su započeti u koje spada i navedeni projekat. Tokom trajanja projekta urađene su određene procjene digitalizacije usluga Grada Zavidovići koje će poslužiti za dalji razvoj digitalizacije usluga. Nadalje bile su pokrenute aktivnosti na izradi servisa 24/7 koji ima funkciju da se omogućiti putem web portala Grada Zavidovići prijaviti određeni problemi iz određene oblasti da se odgovor na prijavu dostavi u roku 24 sata. Bez obzira na povlačenje Agencije USAID iz projekta tokom 2025. godine planirat će se da se ova usluga omogućiti. Nadalje, bile su pokrenute aktivnosti na omogućavanju podnošenje elektronskih zahtjeva nakon izmjena i dopuna Pravilnika o kancelarijskom poslovanju i Zakona o upravnom postupku, ali zbog nezavršenog posla vezanog za upotrebu elektronskog potpisa ova aktivnost se ne može dalje provoditi dok se ne otklone zapreke. Ukoliko se pod digitalizacijom podrazumijeva upotreba informacionih sistema u radu organa uprave Grada Zavidovići, navedeno se primjenjuje u izvršavanju poslova budžeta i trezora, upravljanja ljudskim resursima (HR), upravljanje dokumentima (DMS), katastar podzemnih instalacija, katastar zemljišta i u toku su aktivnosti oko izrade adresnog registra Grada Zavidovići.

7. Vijećnik Ajdin Polić: „Poštovani,

U skladu članom 8.,87., Poslovnika o radu Gradskog vijeća Zavidovići, postavljam vijećničko pitanje:

Da li za postavljanje uspornika prometa, kolokvijalno „ležećeg policajca“, na javnom putu potrebna neka vrsta dozvole, saglasnost ili slično?

Da li su dimenzije istog propisane?

Koje su nadležnosti Grada ukoliko je na javnom lokalnom putu postavljen „ležeći policajac“ bez saglasnosti, nepropisanih dimenzija i slično?

Pitanje uputiti nadležnoj službi Grada Zavidovići i inspektoru za ceste.

Odgovor zahtijevam pisanim putem.“

Odgovor na sedmo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-137/25 od 14.03.2025. godine): Upravitelj cesta, Grad Zavidovići, putem Službe za upravu privrede, lokalni razvoj, infrastrukturu i međunarodnu saradnju, vrši upravljanje lokalnim cestama i nerazvrstanim cestama na području Grada Zavidovića, te na osnovu člana 4. Odluke o bezbjednosti i organizaciji saobraćaja na cestama općine Zavidovići („Službeni glasnik Općine Zavidovići“, broj: 10/21) u skladu sa prostorno-planskom dokumentacijom vrši poslove praćenja, organizacije i regulacije saobraćaja, odobrava, predlaže i provodi mjere za unapređenje saobraćajnog sistema.

Članom 60. Odluke o bezbjednosti i organizaciji saobraćaja na cestama općine Zavidovići („Službeni glasnik Općine Zavidovići“, broj: 10/21) regulisano je postavljanje posebnih obekata na cesti.

Same dimenzije, oblik, način postavljanja i sve ostale odredbe, definisane su Pravilnikom o postavljanju posebnih objekata na cesti radi smanjenja brzine kretanja vozila („Službeni glasnik BiH“, broj: 17/07).

Ukoliko su grbine / ležeći policajci postavljeni na lokalnim cestama i gradskim ulicama te nerazvrstanim uplanjenim cestama, bez saglasnosti upravitelja cesta, isti se prijavljuju Inspektoru za ceste gdje se pokreće postupak uklanjanja.

8. Vijećnik Ajdin Polić: „Poštovani,

U skladu članom 8.,87., Poslovnika o radu Gradskog vijeća Zavidovići, postavljam vijećničko pitanje:

Da li Gradska uprava raspolaže sa informacijama o efektima neradne nedjelje na cjelokupan promet u gradu Zavidovići?

Da li se mogu prikupiti i tabelarno prikazati podaci od porezne uprave, da li je promet manji ili jednak? Koji su očekivani utjecaji na punjenje budžeta Grada Zavidovići?

Pitanje uputiti nadležnoj službi Grada Zavidovići.

Odgovor zahtijevam pisanim putem.“

Odgovor na osmo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-137/25 od 14.03.2025. godine): Po inicijativama grupe trgovaca i Privrednih društava iz oblasti trgovine Grada Zavidovići i društva „Inovine BH“ d.o.o., Služba za upravu privrede, lokalni razvoj, infrastrukturu i međunarodnu saradnju pristupila je prikupljanju podataka o efektima neradne nedjelje na ostvareni promet u Gradu Zavidovići. Upućen je zahtjev Poreznoj upravi FBiH za dostavljanje potrebnih podataka, kako bi se mogao utvrditi efekat neradne nedjelje na ostvareni promet. Analizom dostavljenih podataka utvrđeno je da je promet ostvaren od uvođenja neradne nedjelje u poređenju sa istim periodom prethodne godine povećan. Dodatno, prikupljeni su i podaci o broju zaposlenih osoba, za šifru djelatnosti G: Trgovina na veliko i malo 45-47, te je utvrđeno da je broj zaposlenih u novembru 2023. godine iznosio 752 dok je u istom mjesecu 2024. godine bilo 769 zaposlenih radnika. U decembru 2023. godine broj zaposlenih je bio 762, dok je u decembru 2024. godine bilo 765 zaposlenih radnika. Dakle, primjetno je da je broj radnika za posmatrano razdoblje neznatno povećan.

Kada je riječ o utjecaju promjene prometa na punjenje Budžeta Grada Zavidovići, obzirom da do pada prometa nije došlo, ne očekuje se negativan utjecaj na Budžet.

Ukupno ostvareni promet, na području Grada Zavidovići, za šifru djelatnosti G: Trgovina na veliko i malo 45-47, za novembar i decembar 2024. godine i za isti period 2023. godine, prikazan je u sljedećoj tabeli:

Datum	Promet	Datum	Promet	Datum	Promet	Datum	Promet
1.11.2023	558.861,12	1.11.2024	569.340,45	1.12.2023	477.436,32	1.12.2024	73.176,98
2.11.2023	452.568,41	2.11.2024	552.052,90	2.12.2023	471.150,02	2.12.2024	479.976,84
3.11.2023	733.047,24	3.11.2024	322.842,04	3.12.2023	266.040,69	3.12.2024	428.593,35
4.11.2023	642.822,25	4.11.2024	538.066,93	4.12.2023	449.145,38	4.12.2024	420.735,07
5.11.2023	347.893,70	5.11.2024	417.207,78	5.12.2023	422.083,89	5.12.2024	541.355,52
6.11.2023	566.558,78	6.11.2024	412.047,58	6.12.2023	419.654,44	6.12.2024	624.199,67
7.11.2023	457.944,73	7.11.2024	486.950,65	7.12.2023	447.372,50	7.12.2024	561.260,39
8.11.2023	472.964,74	8.11.2024	633.272,72	8.12.2023	494.627,77	8.12.2024	76.495,43
9.11.2023	376.850,19	9.11.2024	595.726,47	9.12.2023	389.837,25	9.12.2024	512.639,37
10.11.2023	453.967,65	10.11.2024	350.380,08	10.12.2023	221.650,51	10.12.2024	413.865,87
11.11.2023	393.102,29	11.11.2024	465.685,13	11.12.2023	427.669,33	11.12.2024	379.216,80

12.11.2023	263.264,10	12.11.2024	428.491,64	12.12.2023	431.208,36	12.12.2024	662.022,35
13.11.2023	396.980,79	13.11.2024	398.049,16	13.12.2023	380.815,08	13.12.2024	531.560,50
14.11.2023	470.005,33	14.11.2024	458.903,21	14.12.2023	373.889,43	14.12.2024	494.575,76
15.11.2023	440.003,15	15.11.2024	566.485,06	15.12.2023	461.462,42	15.12.2024	69.762,41
16.11.2023	468.592,67	16.11.2024	562.701,10	16.12.2023	401.062,15	16.12.2024	599.706,27
17.11.2023	462.254,82	17.11.2024	84.760,75	17.12.2023	262.287,88	17.12.2024	446.355,90
18.11.2023	458.451,64	18.11.2024	614.385,22	18.12.2023	546.039,49	18.12.2024	435.525,54
19.11.2023	253.235,87	19.11.2024	462.774,02	19.12.2023	477.384,81	19.12.2024	529.731,80
20.11.2023	459.516,85	20.11.2024	441.901,03	20.12.2023	429.514,85	20.12.2024	568.983,09
21.11.2023	371.893,16	21.11.2024	432.964,72	21.12.2023	581.618,11	21.12.2024	713.118,11
22.11.2023	371.907,40	22.11.2024	505.032,56	22.12.2023	569.412,87	22.12.2024	114.606,10
23.11.2023	376.402,70	23.11.2024	626.769,40	23.12.2023	614.461,73	23.12.2024	706.417,77
24.11.2023	485.006,97	24.11.2024	75.542,17	24.12.2023	394.525,94	24.12.2024	544.010,41
25.11.2023	274.775,87	25.11.2024	68.438,35	25.12.2023	762.529,64	25.12.2024	243.026,18
26.11.2023	271.087,01	26.11.2024	692.350,48	26.12.2023	643.599,01	26.12.2024	695.462,64
27.11.2023	429.168,19	27.11.2024	417.468,13	27.12.2023	674.551,26	27.12.2024	778.280,65
28.11.2023	392.651,52	28.11.2024	410.006,51	28.12.2023	665.351,35	28.12.2024	834.649,37
29.11.2023	463.539,35	29.11.2024	702.745,89	29.12.2023	876.513,61	29.12.2024	110.705,32
30.11.2023	755.653,53	30.11.2024	661.263,40	30.12.2023	862.568,04	30.12.2024	1.077.961,29
				31.12.2023	593.772,86	31.12.2024	1.114.459,74
UKUPNO:	13.320.972,02	UKUPNO:	13.945.605,53	UKUPNO:	15.489.236,99	UKUPNO:	15.782.436,49

6. VIJEĆNIČKA PITANJA VIJEĆNIKA SANELA JALMANOVIĆA

1. Vijećnik Sanel Jalmanović: „Na osnovu člana 8. i 87. Poslovnika o radu Gradskog vijeća Zavidovići, postavljam slijedeće vijećničko pitanje:

Tražim od nadležne gradske službe da mi dostave informaciju kakva je kvaliteta zraka na području Grada Zavidovići?

Kolika je koncentracija zagađujućih materija u zraku i kada su vršena posljednja mjerenja i, ako jesu koji su vremenski period mjerenja je obuhvaćen?

Od nadležne službe tražim odgovor u pisanoj formi.“

Odgovor na prvo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-137/25 od 14.03.2025. godine): Prema informacijama kojima raspolažemo posljednje mjerenje kvaliteta zraka za područje Grada Zavidovići vršeno je za period mart - april 2023. godine.

Izvještaj o kvaliteti zraka u navedenom periodu objavljen je na web stranici Grada Zavidovići.

Napominjemo da su mjerenja vršena putem Mobilne automatske stanice za monitoring kvaliteta zraka od strane Centra za monitoring okoliša Zeničko-dobojskog kantona na Institutu „Kemal Kapetanović“ u Zenici, te da Grad Zavidovići nema uspostavljenju mrežu mjernih stanica.

2. Vijećnik Sanel Jalmanović: „Na osnovu člana 8. i 87. Poslovnika o radu Gradskog vijeća Zavidovići, postavljam slijedeće vijećničko pitanje:

Kada će se poduzeti konkretni koraci za postavljanje rasvjetnih tijela i stubova u naseljenom mjestu Brezovača, MZ Ribnica, i da li postoje planirana sredstva u budžetu za rješavanje ovog problema? Još 2012. godine je izrađena projektna dokumentacija, zatim pribavljena preostala neophodna dokumentacija ali do realizacije projekta nikad nije došlo. Mještani ovog područja se pitaju da li će ostati jedini u mraku na području Grada Zavidovići, uprkos činjenici da žive pored magistralnog puta M17.1.

Taržim da mi se odgovor dostavi u pisanoj formi.“

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-137/25 od 14.03.2025. godine): Iznos sredstava za izgradnju javnih rasvjeta bit će poznat nakon konačnog usvajanja Budžeta Grada Zavidovići za 2025. godinu, a prioriteti izgradnje pojedinačnih javnih rasvjeta definisat će se Planom kapitalnih investicija Grada Zavidovići revidiran za period 2025 - 2029. godina koji će se usvajati na nekoj od narednih sjednica Gradskog vijeća.

3. Vijećnik Sanel Jalmanović: „Na osnovu člana 8. i 87. Poslovnika o radu Gradskog vijeća Zavidovići, postavljam sljedeće vijećničko pitanje:

Na temelju sve češćih žalbi stanara zgrade Samačka, a koji izražavaju zabrinutost zbog pojave gustog dima iz kotlovnice u toj zgradi i mogućih štetnih emisija, molim nadležne gradske službe da nam dostave odgovore na sljedeća pitanja:

- Da li su nadležne institucije upoznate sa ovim problemom mještana, te jesu li dosad poduzimate mjere inspekcije postrojenja?
- Kakva su očitavanja emisije štetnih čestica iz ove kotlovnice, te da li zadovoljavaju propisane ekološke standarde?
- I na kraju koje konkretne mjere će se poduzeti kako bi se zaštitilo zdravlje stanara i poboljšali uslovi života?

Taržim da mi se odgovor dostavi u pisanoj formi.“

Odgovor na treće vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-22/25-AP-49 od 14.03.2025. godine): Obzirom da JKP „Radnik“ d.o.o. Zavidovići upravlja i održava navedenu kotlovnice „Samačka“ to im je dostavljeno vijećničko pitanje, vijećnika Sanela Jalmanovića, kako bi se izjasnili na isto.

U prilogu akta vam dostavljamo odgovor JKP „Radnik“ d.o.o. Zavidovići.

7. DOPUNSKO VIJEĆNIČKO PITANJE VIJEĆNIKA ŠEMSUDINA SKEJIĆA

Vijećnik Šemsudin Skejić: Kao što rekoh, djelimično sam zadovoljan sa odgovorom, mislim da je nadležna služba potrudila se solidno i dala je prave podatke po dosadašnjem utrošku sredstava i onome šta je završeno riječ je o prostornoj sredini Pašin konak i o vodosnabdijevanju. Ja ovaj put očekujem od Gradonačelnice, dakle ne tražim više od službi da mi odgovori na pitanje:

Ima li plan? Kakav je plan, odnosno kakv način će biti odabran za rješavanje ovog pitanja i ima li plan za završetak? Može li reći kada ćemo završiti projekat i na koji način? Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-137/25 od 14.03.2025. godine): Nakon što je u cjelosti sagledala problematiku vodosnabdijevanja prostorne cjeline Pašin Konak Gradonačelnica ima plan da se do kraja 2025. godine, odnosno

najkasnije početkom 2026. godine završi izgradnja svih primarnih vodova, odnosno spajanje svih 7 rezervoara.

Također, do kraja 2025. godine planirano je da se okonča postupak legalizacije izgrađenog sekundarnog vodovoda od strane mještana za naseljena mjesta Mramorje, Kuvelj, Vrela i Karalići, te da mještani ovih naselja postanu korisnici gradskog vodovoda.

Prilikom izgradnje primarnih vodova, a gdje je to u skladu sa projektnom dokumentacijom izvršit će se i postavljanje sekundarnih vodova duž istog rova, čime će se stvoriti pretpostavke za dalju izgradnju i razvoj sekundarne mreže za naselja Rudače, Hajderovići sa okolnim mjestima (Delići, Borik, Mujkići, Livade, Imamovići ...).

Sama dinamika izgradnje sekundarnih vodovoda zavisit će od dinamike rješavanja imovinskopravnih odnosa i pribavljanja odobrenja za građenje kao i spremnosti građana da uzmu vlastito učešće u izgradnji.

S poštovanjem

Dostavljeno:

1. Naslovu,
2. U spis.

GRADONAČELNICA

mr. iur. Erna Merdić Smailhodžić

Akt pripremio: _____
(Nermin Čahtarević)